



SAKSPAPIR

Saksnr	Utval	Type	Dato
13/2020	Ombodsutvalet	PS	01.10.2020

Sakshandsamar	Arkiv	ArkivsakID
Lin Tove Thomassen		19/1344

FORSKRIFT OM FOLKEVALDE SIN RETT TIL GODTGJERSLE OG VELFERDSGODER I VAKSDAL KOMMUNE, VESTLAND FYLKESKOMMUNE - TIL HØYRING

Vedlegg:

Utkast til ny lokal forskrift

Reglement for godtgjering til folkevalde pr 250618 (L)(128003)

Grunnlag for samanlikning av ulike satsar i ulike kommunar

Rådmannen sitt framlegg til vedtak:

Følgjande punkt vert endra/lagt til i forskrifta:.....

Utkast til «Forskrift om folkevalde sin rett til godtgjersle og velferdsgoder i Vaksdal kommune, Vestland Fylkeskommune» vert lagt ut på høyring.

Ombodsutvalet - Sak 13/2020

OMB - Behandling:

Politisk sekretær Lin Tove Thomassen orienterte om ei endring i utkast til forskrift.

Utvalet drøfta utkastet og punkliste i saksframstillinga.

Følgjande endringar vart gjort (utheva skrift) i forskrifta:

- Utgifter etter § 3 første ledd bokstav b vert dekkja med inntil **kr 800** per dag.
- Tapt inntekt etter § 3 første ledd bokstav c vert dekkja **etter dokumenterte tap**.
- Det vert ikkje gjeve møtegodtgjersle etter første ledd for meir enn eitt møte pr dag, **med mindre det er meir enn to timar mellom slutt på første møtet og start på neste møte**.
- Skrivefeil i § 8: Ordførar har rett til **pensjon**
- § 6 3. ledd.

Dei røysta deretter over rådmannen sitt framlegg til vedtak som vart samrøystes vedteke.

OMB - Tilråding/Vedtak:

Utkast til «Forskrift om folkevalde sin rett til godtgjersle og velferdsgoder i Vaksdal kommune, Vestland Fylkeskommune» med endringer gjort i møtet, vert lagt ut på høyring.

Saksopplysningar:

Ny kommunelov slår fast at tidlegare fastsette reglar for dekking av utgifter, økonomisk tap og arbeidsgodtgjersle etter kommunelova av §§41 og 42 skal gjevast som ei forskrift. Jamfør forvaltingslova §37 skal kommunestyret påsjå at saka er så godt opplyst som mogleg gjennom ein høyringsperiode.

«Forvaltningsorganet skal som hovedregel sende forslaget til berørte virksomheter og organisasjoner for uttalelse før forskriften blir utferdiget, endret eller opphevet. Dette kalles høring eller forhåndsvarsel. Hensikten med høringen er å gi de virksomhetene og organisasjonene som vil bli berørt, en mulighet til å fremme sine synspunkter. Der det er nødvendig for å opplyse saken, skal forslaget også sendes til andre.»

Ombodsutvalet vedtok i møte 16.09.20, sak 10/2020, følgande gjennomføringsplan:

Plan for utarbeiding av forskrift om godtgjering til folkevalde	Dato:
Gjennomgang grunnlag for lokal forskrift i Ombodsutvalet	16. sept
Ombodsutvalet handsamar rådmannen sitt forslag til lokal forskrift. innkalling vert sendt ut 28. september	1.okt.
Formannskapet vedtek å legge ut forslag om lokal forskrift på høyring	13. okt
Høyringsperiode. Forslaget vert kunngjort på kommunen si nettside i avisa og sendt til høyring hjå Eldreråd, Ungdomsråd, RMNF, Administrasjonsutvalet, Levekårsutval og Bygdeutviklingsutvalet i kommunen.	13. okt. – 6 .nov.
Ombodsutvalet behandlar høyringssvar og utkast til forskrift	17. nov.
Formannskapet gjev si innstilling i saka	des.
Kommunestyret vedtek lokal forskrift	15. des.

Forskrifta skal utformast ut frå fastsette reglar, på ein slik måte at det kjem fram det som er nødvendig å kjenne til for å fremja rettar og krav. Utgangspunktet for vedlagde forskrift er gjeldande «Reglement for godtgjersle til folkevalde» sist oppdatert av kommunestyret 26.06.2018.

Satsane i reglementet er oppgjeve i %. Tabellen under viser satsane som gjeld frå 1.1.2020 i kroner:

SAT SAR		
	2020	Merknad
Ordførar	889197	Fast årleg godtgjersle
Varaordførar	177839	Fast årleg godtgjersle
Kommunestyrerepr	8892	Fast årleg godtgjersle
Formannskapsmedlemer	44460	Fast årleg godtgjersle
Levekårsutvalet	17784	Fast årleg godtgjersle
Leiar Levekårsutvalet	26676	Fast årleg godtgjersle
Leiargodtgjersle	1070(670+400)	Per møte
Møtegodtgjersle	670	Per møte
Ulegitimert tapt arb.fort.	160	Per time
Maksbeløp uleg. tapt. arb.fo	1070	Per dag
Km-godtgjersle	4,03	
Passasjertillegg	1,00	Frå 01.01.

I møte 10. mars 2020 drøfta Ombudsutvalet satsar for godtgjersle samanlikna med andre kommunar. Mellom anna vart det drøfta nivå for fast godtgjersle i dei ulike organa og avvik mellom dei ulike kommunane. Vedlagd i saka ligg eit oppdatert utgangspunkt for drøftingane. I tråd med ombudsutvalet sitt ønske er det lagt inn eit tal møter for å kunna samanlikna kommunar med fast godtgjersle mot kommunar med godtgjersle pr møte. Utgangspunktet er tal møter oppgeve i Vaksdal sin møtekalendar.

I utarbeiding av forskrift har rådmannen følgd gjeldande reglementet i dei tilfelle der dette er mogleg, men ber ombudsutvalet om å vurdere innhaldet for følgjande:

- I dagens reglement er det ikkje inn ein sum for dekking av utgifter som til dømes til barnepass og liknande. Rådmannen ber utvalet om å vurdere å setje inn ein sats pr dag/time (§ 3 første ledd b.)
- Kommunestyret vedtok i sak 04/2020 å gje medlemmer i kommunestyret og kontrollutvalet eit eingongstilskot til kjøp av IKT utstyr på kr 5000 pr valperiode. Dette er lagt inn i ny forskrifta §3 2. ledd.
- I dagens reglement er det ikkje sett av ein makssum for tapt arbeidsgodtgjersle legitimert. Andre kommunar vel også å dekke tapt arbeidsforteneste med 100 %, medan andre igjen har sett makspris. Rådmannen ber utvalet om å vurdere å setje makspris for tapt legitimert arbeidsgodtgjersle (§ 3 første ledd c).
- §3 tredje ledd i utkast til forskrift inneheld ein setning om justering av ulegitimert timegodtgjering. Dette vart vedteke i sak 49/2018, men ikkje lagt inn i gjeldande reglement.
- Bygdeutvikling er eit nytt utval med delegert mynde. Rådmannen har vurdert det som at utvalet skal ha same faste godtgjersle som for Levekårsutvalet med utgangspunkt i at dei har same møtefrekvens og er vekta på same nivå når det gjeld saksmengd til behandling (§ 5 første ledd d).
- Røystestyrene under valgjennomføringa mottek godtgjersle som at dei har delteke i eitt folkevald møte. Tilbakemelding frå medlemmer og leiarar er at dette er nokså liten sum samanlikna med tal timar dei arbeider i vallokala på valdagen og kvelden. Rådmannen ber om at Ombudsutvalet vurdere å gje dei eigen sats i reglementet som er dobla samanlikna med ordinær godtgjersle pr. møte (§5 1. ledd f), g) mot h), i).
- Ettergodtgjersle for ordførar var i vårt reglement ikkje i samsvar med gjeldande lovverk. Gjeldande reglement opna for at ordførar kunne motta godtgjersle samtidig som ein fekk

anna løn i 1 ½ måned. Denne er no oppdatert i høve til kommunelova §8-6 (§ 7).

- Varaordfører får i dagens reglement godtgjersle tilsvarande 20 % av ordførargodtgjersla. I forslag til ny forskrift er det i tillegg lagt inn at varaordfører vert frikjøpt i ei 20 % stilling. (§6 3. ledd). Det er han i dag. Dersom varaordfører skal få dekkja andre utgifter/etter §§ 4.3 ledd og 5, må dette leggst inn i forskrifta. Dette er ikkje spesifisert i gjeldande reglement.

Lokal forskrift vert lagt fram for Ombodsutvalet til drøfting og justeringar. Lokal forskift med innstilling vert lagt fram for Formannskap/ plan, og økonomiutvalet i møte 12. oktober.